

99 MEDIDAS
PARA 0 99%



www.mareatlantica.org
facebook.com/mareatlantica
[@mareatlantica](https://twitter.com/mareatlantica)



“Sabemos que este sistema non deixa de crear inxustiza e desigualdade. Que os recortes nos servizos públicos, deseñados por unha minoría ao ditado do poder económico, os estamos a padecer nós, o 99%”. Con esa denuncia comezaba o manifesto co que naceu a Marea Atlántica o pasado verán. Unha **cifra simbólica, metáfora da maioría social**, que nove meses despois segue no horizonte. Dende as 99 sinaturas que apoiaban aquel desexo común de cambio, a Marea chega agora a un **programa electoral** que mantén ese chamado “ao 99% agredido”. E mediante 99 propostas realizables e que significan unha fonda e necesaria mudanza para A Coruña.



RADICALIDADE DEMOCRÁTICA

- 1.-** Redución dun 50% no custo do goberno municipal e limitación salarial de 40.000 euros brutos ao ano para cargos electos, cargos directivos e persoal de confianza.
- 2.-** Transparencia total. Publicación da información do Concello de xeito continuo: contas, axendas, concursos, axudas, contratos...
- 3.-** Implantación dos orzamentos participativos e participación cidadá na formulación e control dos orzamentos.
- 4.-** Descentralización administrativa e participativa en distritos barriais e activación do Consello Social da Cidade.
- 5.-** Establecemento dun sistema de referendos veciñais para cuestións de especial transcendencia. Modificación do Regulamento Orgánico Municipal, facilitando a participación directa dos veciños nos plenos.
- 6.-** Límite de dous mandatos (8 anos) para os representantes da Marea.
- 7.-** Auditoría e fiscalización de todas as concesións municipais.
- 8.-** Creación dunha Plataforma Dixital de Participación Cidadá.
- 9.-** Instituír mecanismos revogatorios, que permitan a expulsión de concelleiros/as da Marea por incumprimento do programa ou por imputación motivada.
- 10.-** Fin das políticas de seguridade cidadá que vulneren a liberdade de expresión, os dereitos de asociación, de manifestación e de protesta.



RADICALIDADE DEMOCRÁTICA

11.- Fin da privatización dos sistemas de emerxencias e posta en marcha dun sistema de coordinación intramunicipal.

12.- Respetar a laicidade da institución municipal, de acordo ao principio de neutralidade relixiosa.



MODELO TERRITORIAL E URBANISMO

- 13.-** Paralización dos desafiuzamentos de responsabilidade municipal e procura de solucións e alternativas para o resto.
- 14.-** Revisión do PXOM e modificación puntual do mesmo (Ofimático, Parque da Torre de Hércules, Museo do Automóbil no parque de Bens...).
- 15.-** Elaboración dun plan de fomento do dereito á vivenda e fomento da vivenda pública, a través da EMVSA.
- 16.-** Darlle solución aos asentamentos precarios da cidade cun plan de integración integral: vivenda, emprego, educación, saúde...
- 17.-** Protección do Parque de Bens como espazo verde de uso público, impedindo a construción do Museo do Automóbil, estudando outra localización alternativa.
- 18.-** Aumento dun 50% dos cargos do IBI ás vivendas baleiras propiedade do FROB-Sareb e entidades financeiras.
- 19.-** Promover a recuperación para uso público do antigo cárcere provincial.
- 20.-** Modificación da ordenación urbanística do sistema xeral portuario.
- 21.-** Auditoría da plataforma Smart City.
- 22.-** Apertura efectiva do Parque do Observatorio da Agra do Orzán.



MODELO TERRITORIAL E URBANISMO

- 23.-** Revisión de oficio dos acordos municipais de enaxenación do aproveitamento municipal de Someso e, no seu caso, esixencia das responsabilidades administrativas, civís e mesmo penais que procedan.
- 24.-** Reformulación do plan especial para a protección da contorna da Torre de Hércules.
- 25.-** Creación dun programa de apoio ás hortas urbanas autoxestionadas.
- 26.-** Auditoria da planta de Nostián, mellora da recollida selectiva e redución en orixe dos residuos.
- 27.-** Naturalización urbana e conservación da biodiversidade coa conservación de espazos naturais e zonas verdes e creación de novas áreas naturalizadas nos barrios.
- 28.-** Rexeneración da Ría do Burgo erradicando verteduras e ameazas e facilitando a rexeneracion natural do ecosistema.
- 29.-** Educación e participación ambiental sobre os temas prioritarios: residuos, zonas verdes e espazos naturais, mobilidade, eficiencia enerxética, consumo...
- 30.-** A Coruña libre de maltrato animal. Supresión de calquera apoio municipal a eventos nos que se maltraten animais.
- 31.-** Creación dun Centro Municipal de Protección Animal. Aposta progresiva e sostible cara un modelo de xestión con criterio de sacrificio cero.



MODELO TERRITORIAL E URBANISMO

32.- Reordenación mapa de rutas de autobús urbano, priorización do paso mediante plataforma reservada en vías principais e mellora na accesibilidade en paradas. Paradas intercambiador urbano/interurbano en San Diego, Avenida de Alfonso Molina e Rolda de Outeiro.

33.- Fiscalización da concesión da Compañía de Tranvías, acompañada dunha revisión das tarifas: implantación tarifa plana anticipada e bonificacións por familia numerosa.

34.- Posta en marcha e sinalización de roteiros prioritarios para peóns e bicicletas facendo uso do carril-bici en vías principais e por calzada en vías de zonas 30 ou 20 km/h. Remate prioritario da conexión cidade-Universidade.

35.- Deseño e implantación dunha rede eficiente de aparcadoiros disuasorios públicos e gratuítos conectados co transporte público urbano/interurbano consensuados con concellos da área metropolitana.

36.- Análise do estado da concesión do servizo de ORA e, dependendo da situación da licitación do contrato, valorar a súa remunicipalización.



XUSTIZA E COHESIÓN SOCIAL

- 37.-** Creación dunha Renda Social Municipal para completar os ingresos das persoas máis necesitadas.
- 38.-** Rebaixa na taxas da auga.
- 39.-** Erradicar a pobreza alimentaria das/dos menores utilizando a rede de centros escolares da cidade.
- 40.-** Promoción dun Plan Integral de Coidados que abordará a situación das persoas con diversidade funcional e/ou situación de dependencia. Aumento da cobertura do SAD.
- 41.-** Erradicación da pobreza enerxética.
- 42.-** Creación dun Plan Local de Inclusión Social que articule de maneira eficaz a acción pública municipal en materia de políticas sociais.
- 43.-** Creación dun Observatorio Municipal de Igualdade de Xénero.
- 44.-** Reforzar de medios e persoal os Centros de Orientación Familiar e a Casa de Acollida.
- 45.-** Garantir o funcionamento da Oficina Municipal de Apoio á Migración.
- 46.-** Estudo e auditoría da accesibilidade dos centros municipais e erradicación dos obstáculos.
- 47.-** Implementación dunha Mesa de Diálogo Civil que xestione a relación entre a Administración Local, os axentes do terceiro sector e os diferentes recursos sociais.



XUSTIZA E COHESIÓN SOCIAL

48.- Implementación de programas de reforzo educativo para diminuír o fracaso escolar e apertura dos centros educativos fóra do horario escolar para realizar tarefas de tipo educativo, social e cultural.

49.- Posta en marcha de programas participativos de educación para a saúde para o conxunto da cidadanía, con especial énfase naqueles colectivos máis vulnerábeis. Introducirase a figura dos/as mediadoras/es da diversidade (cultural, funcional e sexual) nos centros de saúde.

50.- Adaptación das axudas ás necesidades da mocidade.

51.- Implementación dunha Extratexia Local de Inclusión Laboral para os Colectivos en Risco de Exclusión.



MODELO ECONÓMICO E ENERXÉTICO

- 52.-** Economía para as persoas: integración de criterios sociais, ambientais e de calidade de vida na economía e política fiscal e tributaria progresiva e socialmente xusta.
- 53.-** Atendendo á promoción da diversificación da actividade económica, reorientar o modelo produtivo e facelo máis xusto ambiental e socialmente e axustar polo tanto tamén os itinerarios persoais de inserción das persoas usuarias a este novo enfoque.
- 54.-** Promoción do comercio de proximidade fronte ao modelo de grandes centros comerciais, mediante medidas de fomento e consolidación de comercio local. Potenciar estratexias colaborativas entre os/as comerciantes/as.
- 55.-** Promoción dos mercados municipais, remunicipalización da súa xestión e revisión da actual ordenanza de funcionamento.
- 56.-** Declaración, no caso de aprobarse, de concello insumiso e oposto á aplicación do Tratado Transatlántico de Comercio e Inversión (TTIP).
- 57.-** Fomento dun mercado de produtos de primeira necesidade, ecolóxicos e artesanais para fomentar a soberanía alimentaria do concello e da bisbarra, acompañado de medidas de educación e sensibilización entre a cidadanía.
- 58.-** Elaboración dun plan municipal de fomento do I+D+i.
- 59.-** Crecemento e ampliación de mercados: análise do tecido empresarial da Coruña e bisbarra de cara á detección das oportunidades comerciais existentes nos mercados españois e estranxeiros.



MODELO ECONÓMICO E ENERXÉTICO

60.- Reformulación do Centro Municipal de Emprego: formación e reciclaxe permanente do persoal técnico municipal e dos proxectos en materias de innovación empresarial, consolidación, cooperativismo e para a aplicación de IPIs e formación de persoas desempregadas.

61.- Ampliación de servizos de atención á conciliación e á mellora de vida das persoas (atención á dependencia, escolas infantís, bancos de tempo, canguraxe municipal ben planificada e con acceso universal aos servizos) para favorecer o acceso ao emprego ao tempo que nesos servizos a creación de postos de traballo.

62.- Realización de estudos de prospección que actualicen os verdadeiros xacementos de emprego que se xeran a curto, medio e longo prazo no concello e a contorna, incorporando os criterios de xustiza social e ambiental que se promoverán.

63.- Programa de formación e creación directa de emprego sostible en cinco áreas: prevención e xestión sostible de residuos, apoio do pequeno comercio e a hostalería, atención a persoas dependentes, cooperativismo, rehabilitación enerxética de edificios.

64.- Plan municipal de emprego: impartir formación en competencias clave dos diferentes niveis para favorecer o acceso ás persoas que non teñan formación aos certificados que as habiliten para acceder á formación con certificados de profesionalidade. Aumentar preferentemente a formación nas áreas nas que se requiran estes certificados de profesionalidade.



MODELO ECONÓMICO E ENERXÉTICO

65.- Plan de emprego xuvenil: acceso aos fondos europeos da Estratexia 2020 ou outras fontes de financiamento, de modo que se favoreza o tránsito á formación e emprego da mocidade, facendo énfase nas áreas nas que se detectan xacementos reais de emprego e incorporando os criterios sociais e de innovación definidos ao longo do programa.

66.- Mellora na promoción municipal do turismo, con especial posta en valor do patrimonio e tendo en conta a poboación local como beneficiaria e usuaria dos plans turísticos.

67.- Diversificación dos recursos turísticos.

68.- Novas rutas turísticas que incorporen barrios e mercados municipais, promocionando un modo de consumo que favoreza o local. Rutas históricas.

69.- Renovación do Programa de Festas, potenciando actividades con potencial de captación de visitantes. Facer das festas unha xestión por parte de colectivos e asociacións, intervindo na súa programación colectivamente.

70.- Integración das políticas de eficiencia enerxética en todas as áreas de xestión municipal, incluídos os eventos e as festas. Medidas técnicas de aforro enerxético en edificios municipais xa auditados. Auditorías para a rehabilitación enerxética en comunidades veciñais, especialmente aquelas situadas en barrios de maior antigüidade.

71.- Recoñecemento das situacións de pobreza enerxética. Medidas de apoio e fondo municipal para situacións de impago xustificadas.



MODELO ECONÓMICO E ENERXÉTICO

72.- Revisión e revitalización da Estratexia contra o Cambio Climático da Coruña e dotación de recursos á Oficina Contra o Cambio Climático.

73.- Adquirir unha porcentaxe crecente de enerxía de fontes renovables, con especial interese nas de orixe cooperativista.

74.- Información pública e accesible. Publicitar o consumo enerxético da cidade nos seguintes ámbitos: transporte, iluminación nocturna e infraestruturas municipais.

75.- Colaboración coas empresas no fomento, asesoramento e apoio á eficiencia e aforro enerxético, ao emprego de enerxías renovables, nos polígonos industriais da cidade.

76.- Incorporación de criterios medioambientais, éticos e sociais aos contratos de obras, contratos e compras realizadas polo Concello.

77.- Cumprimento do prazo legal de 30 días, e a ser posible redución, de pago a provedores.

78.- Impulsar a formación dos responsábeis de contratación, intervención e asesoramento xurídico na aplicación de criterios de Compra Pública Responsable.

79.- Priorización da banca ética e cancelación de saldos en institucións bancarias que realicen desafiuzamentos.

80.- Auditoría do software e implantación progresiva de software libre.



CULTURA, MEMORIA E IDENTIDADES

- 81.-** Creación dun Observatorio/Laboratorio, un centro de investigación e produción que facilite proxectos culturais na cidade.
- 82.-** Elaboración do Plan Municipal de Bibliotecas, incluíndo o deseño dun Plan Municipal de Lectura, coa finalidade de reavivar a calidade do servizo.
- 83.-** Conexión de modo activo das infraestruturas culturais cos barrios en que se atopan.
- 84.-** Activación dun plan de residencias artísticas. En paralelo, estímulo e respaldo para a presenza de artistas locais na programación cultural.
- 85.-** Promoción da xestión cultural sostible.
- 86.-** Potenciación de proxectos comunitarios e formativos coa Orquestra Sinfónica de Galicia.
- 87.-** Ampliar e propagar a programación de Viñetas desde o Atlántico.
- 88.-** Creación dunha Universidade Popular.
- 89.-** Rexeneración e potenciación da relación da Universidade da Coruña (UDC) coa cidade.
- 90.-** Cubrir a demanda de prazas en escolas infantís municipais.
- 91.-** Celebración en 2016 do Ano das Irmandades da Fala (centenario), destacando a súa condición visionaria na perspectiva de xénero.



CULTURA, MEMORIA E IDENTIDADES

- 92.-** Activación do proxecto "Caixa da memoria", posta en valor do legado persoal e colectivo na construción dunha cidade de progreso social.
- 93.-** Fomento da lingua galega tanto nos usos da propia administración como nos usos sociais dando cumprimento á normativa e ao plan de normalización lingüística.
- 94.-** Eliminación de toda simboloxía franquista aínda presente no rueiro da cidade.
- 95.-** Activación dun plan de colaboración entre os mc2 e o tecido investigador local (UDC, INIBIC, Centro Oceanográfico).
- 96.-** Creación dun foro de comunicación permanente, virtual e presencial, coa mocidade da cidade e a mocidade emigrada vinculada á ciencia e á innovación.
- 97.-** Fomento do deporte de base e creación de equipamentos na rúa, con énfase na promoción do deporte feminino.
- 98.-** Garantir o acceso ao uso das institucións culturais e deportivas ás persoas con diversidade funcional.
- 99.-** Activación dunha xestión nas políticas do corpo que garanta a investigación, educación, práctica e prevención do corpo entendido de xeito integral.



[Avance para os medios]

A Coruña
16 de abril de 2015

99 MEDIDAS PARA O 99%

16